

	Broj dokumenta	JU ZAVOD ZA ZDRAVSTVENU ZAŠTITU ŽENA I MATERINSTVA KANTONA SARAJEVO ЈУ ЗАВОД ЗА ЗДРАВСТВЕНУ ЗАШТИТУ ЖЕНА И МАТЕРИНСТВА КАНТОНА САРАЈЕВО	Komisija za kvalitet		
	Datum odobrenja/ usvajanja			POLITIKE I PROCEDURE UPRAVLJANJE LJUDSKIM RESURSIMA Kriterij: S - 2.3	Revizija se vrši svake 3 godine ili po potrebi ranije
	10-1334-01/21 08.07.2021.				

PROCEDURA ZA IZBOR I IMENOVANJE DIREKTORA ZAVODA	Verzija:
	Ukupno str. 2

1. SVRHA (NAMJENA)

Ovom procedurom se utvrđuju opći i posebni uslovi, kriteriji i postupak predlaganja kandidata i konačnog imenovanja na poziciju direktora, u skladu sa Zakonom o zdravstvenoj zaštiti Federacije BiH, Pravilnika o uvjetima u pogledu vrste završnog fakulteta zdravstvenog usmjerenja koje moraju ispuniti osobe koje konkuriraju za direktora zdravstvene ustanove, Odluke o preuzimanju prava i obaveza osnivača i usklađivanju organizacije i poslovanja Javne ustanove Zavod za zdravstvenu zaštitu žena i materinstva Kantona Sarajevo i Statutom Javne ustanove Zavod za zdravstvenu zaštitu žena i materinstva Kantona Sarajevo (u daljem tekstu: Zavod).

2. PODRUČJE PRIMJENE

Odredbe ove procedure se primjenjuju u Zavodu, prilikom izbora, predlaganja i konačnog imenovanja direktora ustanove.

3. PROCEDURA

Postupak izbora, predlaganja i imenovanja kandidata za poziciju direktora je predmet obaveznog javnog oglašavanja, na način objavljivanja oglasa u sredstvima informisanja, u najmanje jednom dnevnom listu na području Federacije BiH, web portalu Zavoda i Službenim novinama Federacije BiH.

Ovakav oglas obavezno mora da sadrži:

- Kratak opis upražnjene pozicije,
- Opće i posebne uslove koje kandidat na upražnjenu poziciju mora ispunjavati,
- Program rada i razvoja u stručnom i ekonomsko finansijskom smislu Zavoda za mandatni period.
- Uslove koji nisu obavezni, a za koje je poželjno da ih kandidat ispunjava,
- Ako je za prijavu potrebno ispuniti određeni obrazac, jasna uputstva gdje se može isti preuzeti,
- Spisak potrebnih dokumenata, rok i mjesto podnošenja prijave.

Kandidati moraju ispunjavati navedene opće uslove:

- **Opći uvjeti:**

- da je državljanin BiH (dokaz: uvjerenje o državljanstvu - original ili ovjerena kopija ne starije od šest mjeseci);
- da je stariji od 18 godina (dokaz: izvod iz matične knjige rođenih – original ili ovjerena kopija ili ovjerena fotokopija lične karte i CIPS-a ne starije od šest mjeseci);
- da ima opću zdravstvenu sposobnost za obavljanje navedene pozicije (dokaz: ljekarsko uvjerenje o radnoj sposobnosti ne starije od šest mjeseci); Napomena: Ovaj dokaz će dostaviti kandidat koji bude izabran za direktora;
- da se na njega ne odnosi član IX.1. Ustava BiH – da nije pod optužnicom od strane Međunarodnog tribunala za bivšu Jugoslaviju (dokaz: izjava kandidata potpisana i ovjerena od strane nadležnog organa);

- da nije otpušten iz državne službe kao rezultat disciplinske mjere na bilo kojem nivou u BiH (bilo koji nivo države ili entiteta) u period od tri godine prije objavljivanja upražnjene pozicije dokaz: izjava kandidata potpisana i ovjerena od strane nadležnog organa);
- da nije kažnjavan iz oblasti privrednog prestupa i da mu nije izrečena zaštitna mjera zabrane vršenja poziva, djelatnosti ili dužnosti (dokaz : Uvjerenje nadležnog suda);
- uvjerenje o nekažnjavanju (dokaz: Uvjerenje nadležnog suda);
- da nije član upravnog odnosno nadzornog odbora niti jedne javne ustanove, odnosno drugog pravnog subjekta (dokaz: izjava kandidata potpisana i ovjerena od strane nadležnog organa);
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti BiH („Službeni glasnik BiH“, broj: 13/02, 16/02, 14/03 i 63/08),(dokaz: izjava kandidata potpisana i ovjerena od strane nadležnog organa);
- da nije angažiran na drugoj poziciji koja može uticati na eventualni sukob interesa i da ne postoje druge zakonske smetnje za obavljanje funkcije direktora (dokaz: izjava kandidata potpisana i ovjerena od strane nadležnog organa).

Posebni uvjeti koje kandidati trebaju ispuniti:

• **Posebni uvjeti:**

- da ima završen medicinski fakultet (dokaz:ovjerena fotokopija diplome ili uvjerenja o diplomiranju);
- da ima najmanje pet godina radnog iskustva u struci (dokaz: potvrda o radnom iskustvu);
- da je ljekar specijalista iz ginekologije i akušerstva (dokaz: ovjerena fotokopija uvjerenja o položenom specijalističkom ispitu ne starija od šest mjeseci);
- da ima provjerene rezultate u pogledu stručnih, organizacionih i drugih radnih sposobnosti (dokaz: preporuka poslodavca);
- da ima certifikat o obavljenoj edukaciji iz zdravstvenog menadžmenta i to sva tri nivoa edukacije u skladu sa Pravilnikom o kontinuiranoj edukaciji iz zdravstvenog menadžmenta, odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta;
- da ima program rada i razvoja Javne Ustanove Zavod za zdravstvenu zaštitu žena i materinstva Kantona Sarajevo za izborni – mandatni period koji treba da sadrži prijedlog stručnih i ekonomskih parametara razvoja Zavoda.

Prilikom izbora kandidata na poziciju direktora Zavoda uzet će se u obzir priznanja i rezultati koje je kandidat do sada stekao na rukovodećim pozicijama.

4. NADZOR

Menadžment ustanove odobrava i nadzire primjenu ove procedure u zdravstvenoj ustanovi u odnosu na strategiju upravljanja kvalitetom.

5. REVIZIJA

Revizija ove procedure vrši se svake tri godine ili po potrebi i ranije.

*Dokument je vlasništvo JU Zavoda za zdravstvenu zaštitu žena i materinstva Kantona Sarajevo.
Ne smije se kopirati, preštampavati niti umnožavati na bilo koji drugi način.*

Izradio/la	Saglasnost I	Saglasnost II	Odobrenje	Revizija	
stručni saradnik za OPKP	rukovodilac APS	Koordinator-menadžer kvaliteta	Direktor	Datum odobrenja/ usvajanja	Br. Revizije
					
Mirela Čolpa, dipl.pravnik	Akir Šišić, dipl.pravnik	Akir Šišić, dipl.pravnik	Mt.sci.med.dr. Enis Hasanović		